

Uunga siunnersuut: Sullualuup siunissami aqqusaalutorineqariartuaarnissaa sillimaffigalugu, sapinngisamillu annertunerpaamik periarfissaasinnaasunik atorluanaanissaq siunertaralugu nunatsinni umiarsualivimmik akitsuuserfigineqanngitsunik sanaartortoqarlunilu pilersitsisoqassappat suut pitsaaqutaallutillu ajoqutaasinnaanersut Naalakkersuisut nassuiaasiornissaat pillugu Inatsisartut aalajangiiffissaattut siunnersuut. Nassuiaat UKA 2021-mut naammassineqassaaq.

(Inatsisartuni Atassummi ilaasortanit siunnersuutigineqartoq)

Akissuteqaat

(Aningaasaqarnermut Naalakkersuisoq)

Aappassaaneerinnineq

Aalajangiiffigisassatut siunnersuutip suliarineqarneranut atatillugu Sanaartornermut Ataatsimiititaliap peqqissaartumik suliaqarneranut isumaliutissiissuteqarneranullu Naalakkersuisut sinnerlugit qujavunga.

Siunnersuutip allannguuteqartinnissaa ataatsimiititaliaq isumaqataasumit kissaatigineqartoq Naalakkersuisunit maluginiarneqarpoq.

Tamanna tunngavigalugu siunnersuut Naalakkersuisunit tapersersorneqarsinnaavoq.

Suliassaq aallartinneqartussami siunnersuutip siullermeerneqarneranut atatillugu apeqqutit Naalakkersuisunit saqqummiunneqartut, tassungalu ilanngullugit niuernikkut aqutsiveqarfinnik akitsuuserfeqanngitsunik pilersitsinermi aningaasaqarnikkut nakkutilliisoqarnikkullu kingunerisassat ilanngullugit isiginiarneqassapput.

Naalakkersuisut taama oqaaseqarlutik Sanaartornermut Ataatsimiititaliamit allannguutissatut siunnersuutigineqartut ilanngullugit siunnersuut taperserpaat.